

მეჭეპოსი

ოფიციალური განცხადება.

უმაღლესი მანიფესტი

წყალობითა ღვთისათა

ჩვენ, ნიკოლოზ მეორე,

იმპერატორი და თვით მკურთხეული სრულიად რუსეთისა,

მეფე პოლშისა, დიდი მთავარი ფილიანდიისა

და სხვათა, და სხვათა, და სხვათა.

გუტხადებთ ყველა ჩვენთა ერთგულთა ქვეშევრდომთა:

შეწევნითა უფლისათა განვიზრახეთ ჩვენ ამა წლის მაისის თვესა, პირველ-სატახტო ქალაქსა მოსკოვსა შინა, უკეთილმსახურეს ხელმწიფეთა, ჩვენთა მამა-პაპათა, მაგალითებისამებრ, დავიდგათ თავსა ზედა გვირგვინი და მივილოთ, დადგენილის წესისამებრ, წმიდა მირან-ცხება, და ჩვენთანვე ზიარ ვყოთ უსაყვარელესი მეუღლე ჩვენი, ხელმწიფე იმპერატრიცა ალექსანდრე თეოდორეს ასული.

მოგუწოდებთ ყველა ჩვენთა ერთგულთა ქვეშევრდომთა, რომ წინამდებარე სადღესასწაულო დღესა გვირგვინის კურთხევისას გაინაწილონ სიხარული ჩვენი და ჩვენთან ერთად მხურვალე ლოცვა-ვედრება აღმართონ ყოვლისა სიკეთისა მომნიჭებელისა მიმართ, მანმცა მოგვეფინოს ნიჭნი სულისა თვისისა წმიდისა, განამტკიცოსმცა ხელმწიფება ჩვენი და წაგვმართოსმცა კვალსა ზედა დაუფიწყარისა მშობელის ჩვენისა, რომლისა ცხოვრება და ღვაწლი ძვირფასის სამშობლოს სასარგებლოდ დაშთება ჩვენდა სამარადისო ბრწყინვალე მაგალითად.

ბოძებულთა სანკთ-პეტერბურგსა, პირველსა დღესა იანვრისასა, წელსა შობილდგან ქრისტესა ათას რვაასს ოთხმო-და-თექვსმეტსა, ხოლო მეფობისა ჩვენისა მეორესა.

ნამდვილს მისის იმპერატორებითს უდიდებულესობის საკუთარს ხელით აწერია:

„ნიკოლოზი“

სახელდებულნი უმაღლესი ბრძანებანი.

ბრძანება უმაღლესის სენატის მიმართ.

მანიფესტით, ამა დღეს ბოძებულთა, განვაცხადეთ რა ამბავი ჩვენის გვირგვინის კურთხევისა, რომელიც უნდა მოხდეს 1896 წლის მაისის თვეში, კეთილად მივიჩნიეთ მოვიწვიოთ ამა დროსათვის პირველ სატახტო ქალაქსა ჩვენსა მოსკოვში, ჩვენის ღვთის მიერ განსვენებულ მშობლის და გვირგვინების მაგალითისამებრ, რუსეთის იმპერიის წოდებათა და სხვათა წარმომადგენლნი, ჩვენ მიერ დამტკიცებულ განსაკუთრებულ დებულების თანახმად.

უმართებელესი სენატი ნუმცა დააყოვნებს ამის გამო ჯეროვან განკარგულებათა მოხდენას.

ნამდვილს მისის იმპერატორებითს უდიდებულესობის საკუთარი ხელით აწერია:

„ნიკოლოზი“

ს.-პეტერბურგი.

1-ი იანვარი 1896 წ.

ბჭანება უმაღლესის სენატის მიმართ.

კეთილად მივიჩნიეთ ჩვენ ყოველივე განკარგულება ჩვენისა და საყვარელისა მეუღლისა ჩვენისა ხელმწიფე იმპერატრიცისა აღექსანდრა თეოდორეს ასულის მომავალ წმიდა გვირგვინ-კურთხევის მოსამზადებლად მივანდოთ საიმპერატორო კარის მინისტრსა, ხოლო აღმასრულებელი მოღვაწეობა წმიდა გვირგვინ-კურთხევის დღესასწაულის განსაწყობად — საიმპერატორო კარის ჯეროვან დაწესებულებათ, ისე კი, რომ საიმპერატორო კარის მინისტრთან დაწესებულ იქმნას: 1) საზოგადო დაგვირგვინების საგნების განსაბჭობად — განსაკუთრებული საბჭო, დაგვირგვინების კომისიად წოდებული, რომელსაც მოიწვევს მინისტრი საქიროებისამებრ, და 2) ყველა დაგვირგვინების საქმის საწარმოებლად და გვირგვინის კურთხევის ხარჯის აღსარიცხავად — დაგვირგვინების კანცელარია, საიმპერატორო კარის სამინისტროს მოხელეთაგან შემდგარი.

უმართებელესი სენატი ნუმცა დააყოვნებს ამის გამო ჯეროვან განკარგულებათა მოხდენას.

ნამდვილს მისის იმპერატორებითის უდიდებულესობის ხელით აწერია:

„ნიკოლაზ“.

პიიღვა ხალის-მოფარა 1896 წლისათვის ორ კვირულ გამოცემათა ძარბულს

„მწყემს“ -ზე

რუსულ «П А С Т Ы Р Ъ» -ზე

ფასი ქურნალისა:

- 12 თვით «მწყემსი» 3 მ. | 6 თვით «მწყემსი» 2 მ.
- ,, ორივე გამოცემა 5 » — ,, ორივე გამოცემა 3 »
- ,, რუსული ,, 3 მ. — ,, რუსული ,, 2 »

სოფლის მასწავლებელთ და ღარიბთ გზნეთები დაფიქრებით მთელის წლით ორივე გამოცემა-სსმ მსწყესად.

რედაქციას აქვს კანტორები: ქუთაისში ხანანაშვილების სახლებში და ყვირილში რედაქტორის საკუთარს სახლებში.

ბარეშე მცხოვრებთა ქურნალის დაბარება შეუძლიათ ამ აღრესით: ВЪ КВИРЫЛЫ, ВЪ РЕДАКЦІЮ ГАЗЕТЫ И ЖУРНАЛА „МЦКЕМСИ“ И «ПАСТЫРЬ».

ამ მიმდინარე წლის საჩუქარი შოთა რუსთაველის მხატვრობა უკვე დაურიგდათ ხელის მომწერთ და ვისაც ჯერ არა აქვს მიღებული, ისინიც მალე მიიღებენ.

1896 წლის «მწყემსი»-ს

ხელის მომწერლებს საჩუქრათ ეძლევათ

მოზნდილი ფოტოგრაფიული მხატვრობა

საქართველოს მეფის წმ.

ღავით აღმაჯანაგაილისა

ღ

იმერეთის ეპისკოპოსის

გ ა ბ რ ი ე ლ ი ს ა

რედაქციანი იმეკონება 1887 წლიდან დაწყებული «მწყემსი»-ს ყველა ნომრები. ფასი წლიური გამოცემისა ღლით სამი მანეთი. სტამბაში იმეკონება ყოველგვარი საეკლესიო საბუთების და სხვა მოწმობათა და გამოწერილობათა ბლანკები იაფ ფასად.

მწყემსი



მე ვარ მწყემსი კეთილი: მწყემსმან კეთილმან სული თვისი დაჰსდვის ცხოვართათვის. (იოან. 10—11).
 ვპოვე ცხოვარი ჩემი წაწყუდეული. ესრეთ იყოს სინარული ცათა შინა, ერთისათვის ცოდვილისა. (ლუკ. 15—4).
 მოვედით ჩემდა ყოველხი მაშურალნი და ტვირთ-მძიმენი და მე განგისვენო თქვენ- (მათ. 11 28).

№ 5

1883—1896

12 მარტი.

გ ა ზ ე თ ი ს თ ვ ა ს ი :

„მწყემსი“		„მწყემსი“ რუსული გამოცემით	
12 თვით	3 მან.	12 თვით	5 მან.
6 თვით	2 —	6 —	3 —

ფულისა და წერილების გაგზავნა შეიძლება ამ ადრესით:
 Въ Кавраулы, въ редакцію „Мисемса“ и „Пастырск“.

უგულა სტატიები და კორესპონდენციები, რომელნიცა იქმნებიან დასაბეჭდავთ გამოგზავნილნი ვრცლად და გასაგებად, უნდა იყვნენ ავტორთაგან ხელ-მოწერილნი.

სტატიცა, რომელიც არ დაიბეჭდება, სამი თვის განმავლობაში, შეიძლება ავტორებს მათის ხარჯით უკანვე დაებრუნოს.

სტატიები მიიღებიან რუსულს ენაზედ დაწერილნიც და თარგმნით დაიბეჭდებიან.

როგორ ვსცათ პატივი განსვენებულ ჩვენს მკირვან მწყემსთ-მთავარს ბაბრიელს?

მართლა და კარგი დაფიქრება მართებს უველას ამ საგანზე. როგორც უოველი კაცი კლოვს მათი ძეუფების კარდაცვალებას, ისე უველანი ცდილობენ პატივი სცენ მათ ხსენებას, მაგრამ უველანი ფიქრობენ თავისებურად და არა ისე, როგორც რიკია, როგორც ჯერო-

ვანი ბ კანონიერია. წინეთ ქუთაისის ძღვდლებმა კარდასწევიტეს, რომ განსვენებული დაესაფლავებიათ გელათის ეზოში და მის საფლავზე აეკოთ სამლოცველო და ამით ეცათ პატივი, მაგრამ ამის წინააღმდეგ ჩვენ გამოვაცხადეთ, რომ განსვენებული დამარხულიყო ან დავით აღმაშენებლის სამლოცველოში და ან უმთავრეს ტაძარში. სამლოცველოს ამენება უსარგებლოდ მივიჩნიეთ, რადგან გელათში ორი-სამი ტრა-

საქ. სსრ კ. მარქსის სახ. სახ. რესპუბ. ბიბლიოთეკა

პეზი გაუქმებულია და მწირველი არავინ არის. ამ ხარჯის ნაცვლად ჩვენ ჩვენის მხრით გამოვაცხადეთ, რომ ფულები შეგრობილიყო და ერთი სტიპენდია დაგვეარსებინა ერთ-ერთ სასულიერო აკადემიაში. დღეს გარდაწვევტილია, რომ განსვენებული კელათის ტაძარში უნდა დაიკრძალოს. მეორე კითხვის შესახებ კი ძლიერ მოიჩქარეს და გადასწვევტიეს ორი ან ერთი სტიპენდია დაარსდეს აკადემიაშიო. ამასთან უცებ მოახდინეს კომპანიის დანიშვნა ქუთაისის ქალაქისავე რამდენიმე მღვდლებმა რექტორის თავმჯდომარეობით, დაბეჭდეს კომიტეტის განცხადება, ხელ-მოსაწერი სიები და დაარსდეს უკვე შემდეგი წერილები.


სასულიერო მთავრობის ნებართვით «შმს-ღბა კომიტეტი» განსვენებულის იმერეთის ეპისკოპოსის ბაბრიელის სახელობაზე აკადემიაში სტიპენდიის (ერთი ან ორის) დაარსებისათვის კერძო შეწირულებათაგან საჭირო ფონდის შესაკრებად. კომიტეტი მოიწვევს ყოველთა, რომელთაც არა ხოლო სიტყვით, არამედ საქმითაც სურთ დაამტკიცონ, — რომ მათ გულში ცხოველ არს ხსოვნა და პატივისცემა ამ დაუფიქსარი მოძღვართ-მოძღვრისადმი, შემოიტანონ თავისი წვლილი ამ წმიდა საქმისათვის. შემოწირულებათა რაოდენობა შემომწირველთა სიითურთ გამოცხადებულ იქნება თავ-თავის ღრობა ადგილობრივ გაზეთებში. შემოწირულებანი უნდა გამოგზავნონ ამ აღრესით: კომიტეტის თავმჯდომარეს ქუთაისის სემინარიის რექტორს არქიმანდრიტს დიმიტრის.

ამნაირი მოქმედება კომიტეტისა ჩვენ ცოტა მოიჩქარებულად მიგვაჩნია. უკან არავინ არ მოკვდევს. ვისაც პატივისცემა სურს განსვენებულისა, ის ყოველთვის შემოიტანს თავის წვლილს. კარგად უნდა იუოს გარკვეული ეს-ლავე სტიპენდიის თანხის შესაკრებად თუ რამდენი ფულია საჭირო? რომელ აკადემიაში უნ-

და დაარსდეს სტიპენდია? ვინ უნდა იქნეს გაგ-სავნილი ძალაღ სასწავლებელში ამ სტიპენ-დიით? შემდეგ სწავლის დასრულებისა რა ვალ-დებულება აძვეს სტიპენდიანტს და რომელ წო-დებამი უნდა იმსახუროს? ვინ უნდა აღიწიოს ეს სტიპენდიანტი? და სხვანი, და სხვანი, და სხვანი... ეს-ლავე უნდა იუოს ვეულა ეს მოფი-ქრებული და გარდაწვევტილი, თორემ საზო-გადოება დიდ თანაგრძნობას ვერ აღმოუჩენს ამ კეთილ საქმეს, მაგრამ მისთვის გაურკვე-ველს. ამასთან ისიც უნდა იუოს გარკვეული, თუ სად ინახებოდეს ფული, თორემ არ კმარა მარტო წერილების გაგზავნა და მიწერა: „კომიტეტი მოიწვევს ყოველთა, რომელთაც არა ხოლო სიტყვით, არამედ საქმითაც სურსთ დაამტკიცონ, რომ მათ გულში ცხოველ არს ხსოვნა და პატივისცემა“ და სხ. ეს რააო? იქ-ნება ფული არ აქვს კაცს და ვერაფერი შეს-წირა, შენ კი გაქვს და ამიტომ 25 მანეთი შეიტანე. განა ეს ამტკიცებს, რომ სხვა შე-ნსე ღარიბს ნაკლებ ახსოვს და შენსე მეტათ არ არის მის გულში ცხოველი სიუვარული?...

თუ ეს წერილი იმერეთის სამღვდელოები-სადმი არის მიქცეული, ჩვენის აზრით, შეცდო-მათ უნდა ჩაითვალოს. იმერეთის სამღვდელო-ებამ მშვენიერი და შესაფერისი მოსახსენებე-ლი მეკლი აუგო საუვარულს მღვდე-ლ-მთავარს. თავისი ღარიბი ჯიბისაგან დღეს ეს სამღვ-დელოება ყოველ წლობით ოთხი ათას მანეთს იხდის და უნდა იხადოს ათი წლის განმავ-ლობაში საუკუნო თანხის 50 ათასი მანეთის, შესადგენად. ამ სამღვდელოებამ დაარსა თავისი საუვარელი მღვდელ-მთავრის სახელო-ბასე ქალების სასწავლებელი და მოხსენე-

მიმართა რომ ეს
ბუნებრივად
საპროტესტო



ბულ ფულებს გარდა უოველ წლობით ისდის სსვა-და-სსვა წუაროთაგან რვა ათას მანეთს. ამისათვის უადგილოთ მიგუანჩნია რომ იმერეთის სამღვდელოებას ვუთხრათ: თუ თქვენს გულში ცხოველ არს ჰატივის ცემა განსვენებული მღვდელ-მთავრისა ფულების შემოტანით დაამტკიცეთო...»

საჭიროა სტიჰენდიატის საბოლოო სამსახურის გარკვევაც, ვთქვათ გამოზარდეს ვინმე ამ შეკრებილი თანხით, შეირთო ცოლი და გაიხლათ სამშობლოში. რადგან აქ ადგილი ვერ იშოვა გადვიდა საერო წოდებაში «აკციხნი ჩინოფნიკადა», ხარჯი წავიდა, ეკლესიამ და სასულიერო წოდებამ რა შეიძინა? როგორც ვინდა, ჩემო მკითხველო, ისე სთქვი მაგრამ, მე კი ამას გეტყვი, რომ საჭიროა ესლავე იქნეს გამოცხადებული სავალდებულოდ სასულიერო სამსახურის ასწარმეხი ამ სტიჰენდიანტისათვის..

ზოგს გონია, რომ თუ ერთი ან ორი სტიჰენდია დაჯარსეთ განსვენებულის სახელებზე ამით უველს საქმეს შოვრებით და ამასვე მეტი ჰატივის ცემა საჭიროც აღარ იყოს. მაგრამ ეს შემცდარი აზრი არის. მშვენიერი მოსახრება არის დასტამბული «ივერიაში». ამ საგნის შესახებ ბ. იაკობ გოგებაშვილისაგან მოვიყვანთ აქ სოკიერთ ადგილს:

განსვენებულის მთავარ-მწყემსისათვის რომ ვისმეს ეკითხნა სიკოცხლის დროს: რა უფრო ყველაზედ საჭიროა საქართველოს აყვავებისა და ბედნიერებისათვის, იგი მიუცილებლად უპასუხებდა: დანერგვა ყველა ქართველში ქრისტიანული სარწმუნოებისა და ნამდვილი განათლებისა.

ხოლო ვიკითხოთ ახლა: რა ღონის ძიებით უფრო შესაძლოა ეს დანერგვა, რომელიც ყველა ქართველს გახდის მეტ-ნაკლებობით მონაწილედ იმ მთავარის ღირსებისა, რომელიც ამჟვენებდა მნათობს საქართველოს ეკლესიისასა?

დაასახელეს სტიჰენდიების დაარსება, სკოლის გახსნა განსვენებულის სახელობაზედ. ერთიც კარგი ღონისძიება გახლავთ და მეორეცა. და ვინც თავისს წვლილს არ დაიშურებს ამ საქმისათვის, დიდი მადლობის ღირსი იქნება, მაგრამ მარტო ესენი საკმარისნი არ არიან. მოგვხსენებთ, რომ უდაბნოს მცირეოდენი წამოწვიმა და ისიც პატარა ადგილზედ ვერ ამწვანებს, ვერ ააყვავებს. უდაბნო შეიძლება გაცოცხლდეს და დანაყოფიერდეს მხოლოდ მაშინ, როდესაც მ.ს.ზედ ზეცა კიდითი-კიდე დაასხამს მსხვილსა და შხაპუნა წვიმასა. აქაც ასეა. მხოლოდ იმისთანა ღონისძიება მიგვწევს წადილსა, რომელიც ხელმისაწვდომი იქნება ყველა ქართველისათვის, შესძლებს ესტუმროს საკუთარს სახლში ყველა იმერსა და ამერსა და აალორძინოს ვველგან სარწმუნოება და ცოდნა.

რა ღონის ძიებაა ამისთანა? ჩემი აზრით, ეს გახლავთ სასულიერო და საერო მწიგნობრობის ალორძინება ქართულს ენაზედ, განსვენებულის სახელით გამდიდრება ჩვენის ლიტერატურისა კლასიკური თხზულებებით, რომელთაგან ზოგნი განამტკიცებენ სარწმუნოებასა და ზოგნი მოჰყვენენ მთელს ერში ცოდნასა, განათლებასა..

ყველა შეგნებულმა ქართველმა იცის, თუ რა მდიდარი იყო წინა საუკუნოებში სასულიერო ლიტერატურა ჩვენში. მარტო მცხეთის ტაძრის ბიბლიოთეკა იპყრობდა, პლატონ იოსელიანის სიტყვით-შვიდი ათასს ტომსა, უმეტეს ნაწილად სასულიერო შინაარსისა. ახლა? ახლა კი უბრალო კატეხიზმოც არ გვაბადია, თვით მაცხოვრის ცხოვრებასაც ვერ გაიცნობს ვრცლად ქართველი კაცი თავისს დედენაზედა და მოკლე „უჩებნიკების“ ამარად ვართ დარჩენილი. ღვთის მეტყველება დოგმატიური და ზნე, ობრივი ხომ სანატრელადაც ძნელი გახდა ჩვენს ენაზედა. სასულიერო ყმაწვილობა, სემინარიებში მოქცეული, იძულებულია ყველა საგანი ისწავლოს უცხო ენაზედ და მოკლებულია შეძლებას თავისუფალ დროს მაინც იკითხოს ქართულს ენაზედ იგივე საგნები. საერო მწიგნობრობაც ძლიერ დარიბი გვაქვს. წინა საუკუნოებში მეტაფიზიკიდგან დაწყებული ბუნების მეტყველებამდე ყველა მეცნიერება მოაზოვებოდა ჩვენს ენაზედა. ესლა კი მსოფლიო

მოაზოვებოდა ჩვენს ენაზედა. ესლა კი მსოფლიო

ისტორიას და საზოგადო გეოგრაფიასაც-კი დანატრულია ჩვენი ლიტერატურა, რის გამო საერო სასწავლებლების ქართველი მოწაფენი სრულიად მოკლებულნი არიან ღონეს თავის ენაზედ იკითხონ სკოლას გარედ ისა, რასაც კლასში სწავლობენ მხოლოდ რუსულს ენაზედ იდები ხომ კიდევ უარესს მდგომარეობაში ვართ.

ღიალ, ჩვენი მეცნიერი არქიერის სამულდამო სახსოვრად საუკეთესო ძეგლი იქნება აღორძინება და გამდიდრება მისი სახელით ჩვენის ლიტერატურისა სასულიეროსი და საეროსი დარბაისლური, კლასიკური თხზულებებითა, რომელთაგან ზოგი გადმოითარგმნება და ზოგი დაიწერება ქართველ მსწავლულთაგან. ხოლო ეს იმდენად ძნელი და რთული საქმეა, რომ მას ვერ იკისრებს ვერც კერძო პირი და ვერც რომელიმე ახლანდელი საზოგადოებრივი დაწესებულება. აქ საჭიროა მონაწილეობა მთელის ქვეყნისა, დახმარება ყოველ შეგნებულის ქართველისა შეძლებისამებრ. მხოლოდ ამ გზით შეიძლება შესდგეს ჯეროვანი თანხა. საძირკვლად ამ თანხას უნდა დაედოს ის ფული, რომელსაც წერა-კითხვის საზოგადოებას გამოუგზავნიან განსვენებულის შემკვიდრებები იმ ქონებიდგან, რომელიც გადურჩება ანდერძის ასრულებასა. ისევე საზოგადოება იკისრებს, უეჭველია, ამ საქმის გაძლოლასა და შეკრებილი თანხით ბეჭდავს ღირსეულს თხზულებებს ქართულს ენაზედ ამ ზედ წარწერით: **გამოცემული გაბრიელ კუბისკოვის თანხით წერა-კითხვის საზოგადოების მიერ.**

ერთ დროს განსვენებული მღვდელ-მთავარი გაბრიელი შემობრძანდა სამღვდლოების კრებაზე და სხვათა შორის, როდესაც კითხვა ჩამოვარდა ხალხის ზნეობის ამაღლების შესახებ, აი რა ბრძანა: პირველად, რომ რაჭაში მივედი სარევიზიოთ 1860 წ. და ხალხის სარწმუნოების და ზნეობის მდგომარეობას რომ დავაკვირდი, ჩემს სიხარულს საზღვარი არა ქონდა. მე ვნახე იქ ჭეშმარიტად პირველი საუკუნის ხალხი მტკიცენი სარწმუნოებაზე და ქრისტიანულ ზნეობაზე. ერთი-ერთმანეთის ძმური სიყვარული, მეგობრობა, მოყვასთა გატანა, საწყალოთა შებრალება და სხვა კეთილი ქრისტიანული თვისებანი ძლიერ თვალ-საჩინოდ სჩანდა. ქურდობა, კაცის კვლა და გარყენილება ძლიერ იშვიათი საქმე იყო. ოც-და ხუთი წელიწადი ვუქადაგებ ამ ხალხს მას აქეთ და მგონია, თუ კიდევ გაუმჯობესდებოდა ხალხის ცული ზნე-ჩვეულება. მაგრამ, ჩემდა სამწუხაროდ ოც-და ხუთი წლის შემ-

დეგ მე ვნახე ეს ხალხი და ველარ ვიცანი. აქ გაძლიერდა კაცის კვლა, ქურდობა, მტაცებლობა და სხვა არა ქრისტიანული თვისებანი. დღეს ამ ხალხმა ამ მხრით კიდევ გადააჭარბა სხვა დაქვეითებულ მარებს... რისი ბრალია ეს, მამანო? ამ კითხვაზე დაფიქრდა, თითქმის ცრემლი მოუვიდა და სთქვა: ეს ალბათ ჩემი ცოდვის ბრალია!.. მთელი კრება გაკვირებული ისმენდა მწყემს-მთავრის სიტყვებს.

ამ შესანიშნავ სიტყვებს, უნდა ვსთქვათ გამოტეხილად, განმარტება არ ეჭირვება. ვისაც სმენა აქვს, კარგათ მიხვდება თვითონ, რა არის საჭირო ჩვენ ხალხში სარწმუნოების და კეთილ ზნეობის აღსადგენად. არასოდეს არ ყოფილა, ღვთის მადლით, ჩვენში ამდენი ნასწავლნი პირნი, მაგრამ, თუ საქმეს ჩავაკვირდებით კარგად, ხალხში სარწმუნოების და ზნეობის საქმის მდგომარეობას დიდს სანუგეშოს ვერ შევამჩნევთ. საჭიროა, საჭიროა მიუცილებლად ხალხს მივაწოდოთ სულიერი საზრდო და თვითონ მივაჩვიოთ ამ საზრდოს კეთილად ხმარებას, თორემ ერთი და ორი და თუ გინდ ათიც მქადაგებელი საქმეს ვერ წასწევს წინ, როგორც ორი და სამი მერცხალი გაზაფხულს ვერ დააყენებს. მიუცილებლათ საჭიროა, საჭიროა ხალხში გავრცელდეს სასულიერო შინაარსის წიგნები, და თუ ამას მოვახდენთ ჩვენის დაუფიწყარის მღვდელ-მთავრის სახელით, ეს იქნება სწორეთ ყველაზე უკეთესი პატივისცემა.

სტიპენდიის დაარსება კარგი საქმეა, მაგრამ იმდენი სასარგებლო და საპატიო არ იქნება, როგორც ზნეობრივი და სარწმუნოებრივი წიგნების ხალხში გავრცელება. აკადემიელებიც ბევრია დღეს, ღვთის მადლით, და უნივერსიტეტში კურს დამთავრებულებიც, მაგრამ სარწმუნოების და ხალხის ზნეობრივ საქმეს მაგდენს არ შევლის. უმთავრესი მათი ცდა და ყურადღება ჯამაგირების გადიდებაზეა მიქცეული და შემდეგ იმედია დანარჩენზე იზრუნებენ, მაგრამ როდის, ეს აღარ ვიცით...

სტიპენდიის დაარსება კარგი საქმეა, მაგრამ იმდენი სასარგებლო და საპატიო არ იქნება, როგორც ზნეობრივი და სარწმუნოებრივი წიგნების ხალხში გავრცელება. აკადემიელებიც ბევრია დღეს, ღვთის მადლით, და უნივერსიტეტში კურს დამთავრებულებიც, მაგრამ სარწმუნოების და ხალხის ზნეობრივ საქმეს მაგდენს არ შევლის. უმთავრესი მათი ცდა და ყურადღება ჯამაგირების გადიდებაზეა მიქცეული და შემდეგ იმედია დანარჩენზე იზრუნებენ, მაგრამ როდის, ეს აღარ ვიცით...

საეურნადღებო ამბები

წლის გასულს სწორედ რიგია კაცმა ყურადღება მიაქციოს, თუ რა მისცა და მიანიჭა წარსულმა წელმა ხალხს, საზოგადოებას, სახელმწიფოს ზღვარებს კაცობრიობას და რას უნდა მოველოდეთ მომავალი წლიდან.

სარწმუნოების მხრით წარსულს წელში ევროპის ხალხთა შორის ყურადღება მიიქცია ერთმა შესანიშნავმა სურვილმა—ყველა მორწმუნე ქრისტიანეთა სარწმუნოების მხრით ერთად შეერთებამ. დიდი ხნის სიჩუმის შემდეგ რომის პაპა თავისი შესანიშნავი ეპისტოლეით მიიქცა აღმოსავლეთის მართლ-მადიდებელ ქრისტიანეთადმი, ყველა ქრისტიანე ხალხთა და ხელმწიფეთადმი. ყველას ურჩევდა ერთად შეერთებას თანახმად მაცხოვრის სიტყვისა, რომ „შიყვნეთ ერთ სამწყსონი და ერთ მწყემსნი“. აღმოსავლეთის მართლ-მადიდებელ ხალხთა ზე ყველა ქრისტიანეთაცა პაპა ურჩევდა, რომ ეცნოთ და მიეღოთ მარტო პაპის ეკლესიის მეთაურობა და მტკიცედ დამდგარიყვნენ თავისს ტიბიკონზე. ყოველ ქრისტიანეს პირდებოდა მის ენაზე და მისი ტიბიკონისამებრ ღვთის ვედრების და წირვა-ლოცვის აღსრულებას.

პაპის ამ ეპისტოლეს პასუხი გასცა კონსტანტინეპოლის და სხვა პატრიარქებმა, რომელთაც დაამტკიცეს შემცდარი აზრი პაპისა და არა კეთილი მიზანი ყველა აღმსარებელ ქრისტიანეთა ერთად შეერთებისა.

ამის შემდეგ ამავე საგნის შესახებ ინგლისში მოხდა კრება სწავლულთა, რომელნიც ფიქრობდნენ ღვთის-მსახურებით და სარწმუნოებით ხალხთა ერთი-ერთმანეთთან დაახლოვებას. მრავალი შესანიშნავი მსჯელობანი წარმოსთქვეს, მრავალნი მოფიქრებანი გამოაშკარავეს, მაგრამ კითხვა ისევ კითხვად დარჩა და საქმე კი ბევრი არა გაკეთებულა რა. ყველა გრძნობს და ყველა მიმხვდარია, რომ ეხლანდელი მდგომარეობა ხალხთა სარწმუნოების მხრით, მათი ასე დაცალკალკეება და ერთი-ერთმანერთისაგან დაშორება არ არის რიგიანი და სასურველი. თურცა ზოგიერთებს დიდი იმედი აქვსთ სხვა-და-სხვა აღსარების ქრისტიანეთა ერთად შეთანხმებისა, მაგრამ დიდი დრო გაივლის კიდევ, რომ ეს სასურველი შეთანხმება არ მოხდება და არ მოხდება იმიტომ, რომ

ამ შეთანხმებას და შეერთებას ხელს უშლის პოლიტიკა. ამ პოლიტიკით საქმეა გაჭირვებული ყველგან არა თუ სხვა-და-სხვა აღმსარებელ ქრისტიანეთა შორის, არამედ ერთ მორწმუნე ხალხთა შორისაც. რომ ის სასურველი დრო დამდგარიყო და მაცხოვრის სიტყვები „ერთ სამწყსო და ერთ მწყემს“ სისრულეში მოეყვანათ ეხლანდელი საუკუნის ქრისტიანეთა, შეიძლება აღარც კი ყოფილიყო საჭირო დღევანდელი საშიშარი და საოცარი შეიარაღება ყველა სახელმწიფოთა ერთი-ერთმანერთის საწინააღმდეგოდ და ასაოხრებლად. მაგრამ როდის მოვესწრებით იმ დროს და იმ ჟამს, რომ ერთად ვაქედით და ერთად ვადიდებდით ღმერთსა და ქრისტეს მცნებისამებრ ყოველ კაცს ჩვენს ძმად ვრაცხდით!...

მარტო ჩვენ სახელმწიფოში ცხოვრების მიმდინარეობას რომ გადავალოთ თვალი ამ ბოლო დროს, შევამჩნევთ, რომ დიდი შესანიშნავი ცვლილებანი მოხდა განსაკუთრებით სასულიერო უწყებაში. სამოცდა-ოთხ ეპარქიას მოემატა ერთი ახალი ეპარქია—ომსკისა. მოსაწყობად ამ ახალ ეპარქიაში არქიერის სახლისათვის, კათედრის ტაძრისა და კონსისტორიისათვის დაინიშნა სახელმწიფო ხაზინიდან ათი ათასი მანეთი და გადაწყვეტილია სახელმწიფო ხაზინიდანვე არქიერის სასახლისათვის ყოველ წლოვით 12,000 მანეთი, კათედრის ტაძრის მოსამსახურეთათვის 5435 მანეთი და კანსისტორიისათვის 15,675 მ. ამისთანავე კანსისტორიებისათვის გამოსულია ხაზინიდან ციმბირის გუბერნიებში—იაკუტსკში 14625 და ბლადო-ვესჩენსკში 17,225 მ., ვლადიკავკავის არქიერის სასახლისათვის 12,000 და კანსისტორიისათვის 15675 მან. იაკუტსკში და ტობოლსკში რადგან ერის კაცთა შორის ნასწავლი კაცები ვერ უმოვიათ, უმრევლო მღვდლები ზღვიანები დაუყენებიათ კანსისტორიებში ჩინოვნიკების ადგილზე. ჩვენში რომ კანსისტორიების დაარსებას ისურვებდნენ, იმედია, რამდენიმე აკადემიელი და სემინარიელი იშოვიდა ადგილს.

მართებლობის ყურადღება 1892 წლიდან სამ-
 ლველოების მდგომარეობის გაუმჯობესების შესა-
 ხებ თან-და-თან მატულობს. 1893 წელში დანიშნა
 ხაზინიდან სამლველოების ჯამაგირად 250,000 მან.,
 1894 წელში - ნახევარი მილიონი, 1895 წელში —
 კიდევ ნახევარი მილიონი. ეს ფულები
 ენიშნება უწმ. სინოდის განჩინებით სამლველოებს
 იმისთანა ადგილებში, სადაც მიუცილებლად საჭირო
 არის სახელმწიფო ჯამაგირის დანიშვნა. ამ ხსენებული
 ფულებით 1893 წელში ჯამაგირები დანიშნა 600
 კრებულს, 1894 წელში — 1300 კრებულს, 1895
 წელში — 1500 კრებულს, ასე რომ ღვედის 3400
 კრებულს აქვს დანიშნული ჯამაგირი. ამ გამოსული
 ფულებიდან 2000 მანეთამდე საქართველოს საქსარ-
 ხოსაშიაც დანიშნა რამოდენიმე სამრევლო ეკლეს-
 იების კრებულთ.

წარსულს წელში შესანიშნავია დედათა მონასტ-
 რების გამრავლება. პირველად იხსნება დედათა უბ-
 რალო საფანეები და ბოლოს ისე მშვენიერად მოეწ-
 ყობიან ეს საფანეები, რომ იგინი უწმიდესი სინოდი-
 საგან მონასტრებად მტკიცდებიან.

სასულიერო სასწავლებლების მასწავლებელთა
 მდგომარეობა თან-და-თან უმჯობესდება. ყოველ სა-
 სულიერო ოთხკლასიან სასწავლებელში დიდი ხნის
 ნამსახურს მასწავლებელს, აკადემიაში კურს დამთავ-
 რებულს თორმეტ გაკვეთილზე ენიშნება 1250 მ.
 სემინარიელს — 700 მ. სასულიერო სემინარიაში ორს
 უფროს მასწავლებელს ენიშნება მომეტებული ჯამა-
 გირები. 56 სემინარიას წარსულ წელში მიემატა ორი
 — ერთი გაიხსნა კრასნოიარსკში და მეორე არდონ-
 ში სამისსიონერო სემინარია.


ხალხის განათლების საქმე მართლმადიდებელის
 რელიგიურის მიმართულებით, წინდაყენებული წარ-
 სულს წლებში, ღვესაც კეთილათ წარემართების და
 ახალმა იმპერატორმა უმეტესი ყურადღება მიაქცია
 მის კეთილ განგრძობაზე. ჯერეთ კიდევ განსვენე-
 ბული იმპერატორის დროს 1894 წელს
 საეკლესიო-სამრევლო სკოლების დასაარსებლათ გადა-
 იდვა სახელმწიფო ხაზინიდან 350,000 მან. ამ ფუ-
 ლებმა უფრო იმატა ამ ბოლო დროს. 16 დეკემ-
 ბერს, 1894 წელს გარდაწყდა მიეცეს სახელმწი-
 ფო ხაზინიდან სამრევლო სკოლების სასარგებლოდ
 1895 წლისათვის 700,000 მ., 5 იან. 1895 წ. უმა-
 ლლესად ნაბრძანებია გადიდვას სახელმწიფო ხაზი-
 ნიდან 3,279,145 მან. ყოველ წლობით 1 იანვრი-

დან 1896 წლისა. ამ ფულებიდან დანიშნოს: ა)
 1,170, 625 მან. არსებულისა და ახლად გახსნილი
 სკოლების შესანახად; ბ) 1,629,000 მ. ორ-კლასიან
 სასწავლებლების გასახსნელად და შესანახავად, რო-
 მელ სასწავლებლებშიაც უნდა მომზადდენ წერა-კით-
 ხვის სკოლების მასწავლებლები, გ) 141,500 მან. — ება-
 რხილურ სკოლების მეთვალყურეთა ჯამაგირათ და
 დ) 338,020 მ. სკოლების სამაზრო ინსპექციისათ-
 ვის. უმაღლესი მართებლობის ამგვარი მიმართულე-
 ბა და ხელმწიფის მოწყალებას აღტაცებული
 სიხარულით მიეგება სამლველოება და ხალხის გა-
 ნათლების მზრუნველნი და, უეჭველია, სამრე-
 ვლო სკოლები აღორძინდებიან და ჯეროვან ნა-
 ყოფს მოიტანენ.

ამა წლის 1 იანვრიდან ნება მიეცა უწმ. სინოდ-
 თან დაარსებულს სასწავლებლების უმთავრეს საბ-
 ჭოს გამოსცეს ყოველ თვიური ჟურნალი, სახელ-
 წოდებით „ხალხის განათლება“, რომელი ჟურნალიც
 სპეციალურ ორგანოთ იქნება სამრევლო სკოლებ-
 თათვის მთელს რუსეთში.

სამრევლო სკოლას გარდა ხალხის განათლები-
 სათვის განზრახულია დაარსება სამკითხველოების და
 წიგნთ-საცავებისა. ეს უკანასკნელი დიდ შემწევობას
 აღმოუჩენს საზოგადოებას სწავლა-განათლების საქ-
 მეში. ჯერ-ჯერობით თუმცა მრავალს ადგილას არ
 არის ამისთანა სამკითხველოები, მაგრამ შემდგომ
 უნდა მოველოდეთ მათ გამრავლებას და, იმედია, ჯე-
 როვან ნაყოფს მოიტანენ ეს სამკითხველოები.

ერთი სიტყვით რუსეთის სახელმწიფოში სასუ-
 ლიეროს მხრით დიდი წარმატება არის შემჩნეული,
 მაგრამ განაპირა მხარეებში ეს წარმატება იმდენათ
 შესამჩნევი არ არის. დამბრკოლებელი მიზეზი ამი-
 სი ბევრია და, სხვათა შორის, განსაკუთრებული წეს-
 წყობილება ამ განაპირა კუთხეებისა. ეს განსაკუ-
 თრებული წეს-წყობილებანი ამ მხარეებისა, რომ-
 ლის წყალობით ზოგიერთი ფრიად სასარგებლო
 კანონ-მდებლობა თავის დროზე ვერ ახწევს ამ ადგი-
 ლებს, და ზარალს აძლევს ხალხს და საზოგადოე-
 ბის წინსვლელობის საქმეს. მაგალ. რამდენ სარგებ-
 ლობას მოუტანდა ჩვენს ხალხს ნაფიც მსაჯულთა
 შემოღება ჩვენ სასამართლოებში? რამდენად გაუად-
 ვილებდა საზოგადოებას მეტრიკების მოწმობათა მი-
 ლების საქმეს და სამსჯავრო საქმეებსაც, რომ ღმერთ-
 ენებებია რე ყოველს ებარქიაში კანსისტორა გახსნილი



ყო? რა კარგი იქნებოდა, რომ ეკლესიების შტატის წყობილება, დაარსებული ყველგან რუსეთის შუაგულ ეპარქიებში, ჩვენშიდაც შემოეღოთ? რამდენია ამისთანა წეს-წყობილება, რომელსაც მოკლებულია განაპირა მხარეები და რა მიზეზისათვის, კაცმა არ იცის. ზოგიერთები ამტკიცებენ, რომ ყველა ეს განსაკუთრებული წეს-წყობილებანი არიან დაარსებულინი განაპირა ადგილებში მკვიდრ მცხოვრებთა სასარგებლოთო. მაგრამ საქმეს რომ ჩააკვირდები კაცი, ტყობილობ, რომ ამ საზოგადო და სასარგებლო კანონმდებლობას სულ ცოტა მიზეზები ელობებინ წინ, რომ იგი განაპირა მხარეებშიაც იქმნეს შემოღებული...

დეკ. დ. ლამბაშიძე

(გავრძელება იქნება).

გადასვენება იმერეთის ეპისკოპოსის კაბრიელი კვამისა ქუთაისის კათედრის ტაძრიდან გელათის მონასტერში.

ჩვენმა მკითხველებმა უწყიან, რომ განსვენებული ყოვლად სამღვდლო გაბრიელის გვამის გასვენება ქუთაისის საკრებულო ტაძრიდან გელათის მონასტერში გადადებული იყო შემდეგი დროისათვის, ვინაიდან დიდი თოვლისა გამო გზა ქუთაისსა და გელათს შორის სრულებით შეკრული იყო. დაბეჯითებით არავინ იცოდა, თუ როდეს გაიხსნებოდა გზა. ამის გამო განსვენებულის გვამი დასვენებული იყო ქუთაისის საკრებულო ტაძარში სამი თებერვლიდან. ამ მარტის თვის 10-დღე. ვინაიდან ცუდი ამიდების გამო თოვლი არ დნებოდა, ზომები იქმნა მიღებული ვზების გასაწმენდათ და კიდევ გადასწყვიტეს განსვენებულის გვამის ქუთაისის კათედრის ტაძრიდან გელათის მონასტერში გადასვენება ათ მარტისათვის,

ეს გარემოება საზოგადოებამ ადგილობრივი-გაზრდის საშუალებით შეიტყო. ჩვენი საყვარელი განსვენებული მღვდელთ-მთავრის გვამის ქუთაისის საკათედრო ტაძრიდან გელათის მონასტერში გასვენებაზე დასასწრებლად საქართველოს ყოველი კუთხიდან იწყო დენა როგორც სამღვდლოებამ, ისე სხვა-და-სხვა დაწესებულებათა და საზოგადოებათა წარმომადგენლებმა. რვა მარტს ქუთაისში მობრძანდა მათი ყოვლად უსამღვდლოესობა გურია-სამეგრელოს ეპისკოპოსი გრიგორი, მრავალი სამღვდლოება იმერეთის და გურია-სამეგრელოს ეპარქიებიდან და სხვა-და-სხვა საზოგადოებათა წარმომადგენელნი. ცხრა მარტს, ღამის მატარებლით მობრძანდა მათი მალალ ყოვლად უსამღვდლოესობა საქართველოს ექსარქოსი ვლადიმირი და სხვა-და-სხვა საზოგადოებათა და დაწესებულებათა წარმომადგენელნი თბილისიდან. ამავე დღეს შაბათს, ქუთაისის საკათედრო ტაძარში მწირველი ბრძანდებოდა ყოვლად სამღვდლო გრიგოლი თავისი კრებულით. წირვის და პანაშვიდის დროს მთელი ტაძარი და ტაძრის გალავანი სავსე იყო განსვენებულის ყოვლად სამღვდლოს გაბრიელის პატივსაცემლად მომსვლელთაგან.

არქიერთან ერთად თანამწირველნი იყვნენ ნახარებოვის მონასტრის არქიმანდრიტი ამბროსი, ხობის მონასტრისა - სიმონი, შემოქმედისა - იონა, ნათლისმცემლისა - გერასიმე, ქუთაისის საკათედრო ტაძრის დეკანოზი გ. ბ. ცაგარეიშვილი, ფოთისა - გრიგორი მაჭაროვი, დეკანოზი რაჟდენ გიგაუროვი, დეკანოზები ი. კიკაჩიშვილი და ი. ჭეიშვილი; პროტოდიაკონნი იოსებ შარაშიძე და ლუკა ხოშტარია, დიაკონნი გეგეჰკარი და ისიდორე სვანაძე. წირვაზე გალობდა არქიერის მგალობელთა გუნდი. განიცადენის დროს განსვენებულის ყოვლად სამღვდლო გაბრიელის სამსახურის და მოღვაწეობის შესახებ მშვენიერი სიტყვა წარმოსთქვა ნახარებოვის მონასტრის არქიმანდრიტმა ამბროსიმ. წირვის გათავების შემდეგ ფრიალ შესანიშნავი და საგულისხმო მჭევრმეტყველური სიტყვა წარმოსთქვა მათმა მეუ-

ფებამ გრიგორიმ, ამ სიტყვამ მთელი საზოგადოების ყურადღება მიიქცია და მრავალს მსმენელს კრემლები აღვრევინა. არც ერთი სიტყვა, რაც დღემდის იყო წარმოთქმული განსვენებულის ყოვლად სამღვდლო გაბრიელის სამსახურის და მოღვაწეობის შესახებ, არ შეხებია განსვენებულის მოღვაწეობის იმ მხარეს, რომელსაც შეეხო და ცხადათ აღნიშნა ყოვლად სამღვდლო გრიგორმა, ამისათვის ამ სიტყვამ მეტი კაი შთაბეჭდილება მოახდინა მსმენელებზე. გაათავა თუ არა ყოვლად სამღვდლო გრიგორიმ თავისი სიტყვა, ტაძარში შემობრძანდა მათი მალალ ყოვლად უსამღვდლოესობა საქართველოს ექსარხოსი, მთავარ-ეპისკოპოსი ქართლისა და კახეთისა ვლადიმირი განსვენებული მღვდელ-მთავრის გაბრიელზე პანაშვილის გადასახდელად. პანაშვილის გადახდის დროს ექსარხოსთან ერთად მონაწილეობა მიიღეს ყოვლად სამღვდლო გრიგორმა და ალავერდის ეპისკოპოსმა ბესარიონმა და მრავალმა სამღვდლოებამ მწირველ სამღვდლოებასთან ერთად. პანაშვილზე დაესწრენ მრავალი წარჩინებულნი პირნი.


9 მარტს, დილის ათ საათზე, მათი მეუფება ექსარხოსი ვლადიმირი შებრძანდა ქუთაისის სასულიერო ოთხ-კლასიან სასწავლებელში, მეოთხე კლასის ორივე განყოფილებაში გამოცადა მოწაფეები, შემდეგ შებრძანდა სასწავლებლის წიგნთ-საცავში და მერე წაბრძანდა ყოვლად სამღვდლო ბესარიონთან, სადაც ბრძანდებოდა ბინად. შაფათ სალამოს მათმა მეუფებამ სასწავლებლის ტაძარში მოისმინა ღამის-თვეითი ცისკარი და შემდეგ ინახულა სემინარიის რექტორი არქიმანდრიტი დიმიტრი, დაათვალიერა სემინარიის დროებითი სადგომი და შემდეგ ბინაზე წაბრძანდა.

ამ დღეს კიდევ დიდძალი ხალხი მოაწყდა ქუთაისს როგორც აღმოსავლეთის ისე დასავლეთის საქართველოს სხვა-და-სხვა კუთხეებიდან.

მთელს საზოგადოებას აოცებდა და აკვირებდა ჯერეთ ხმები და ბოლოს ამ გავრცელებული ხმების სინამდვილე ერთი გარემოების შესახებ, რომელიც

არ შეგვიძლია არ აღვნიშნოთ როგორც არა ჩვეულებრივი მოვლენა. აი საქმე რაში გახლავთ: გზების შეკვრის გამო მოსალოდნელი იყო, რომ განსვენებულის ყოვლად სამღვდლოს გაბრიელის გვამი კაი ხანს დაჩქებოდა ქუთაისის საკათედრო ტაძარში და ამიტომ ისე მომზადებული იყო კუბო, რომ, თუ ვინიცოცხა განსვენებულის გვამი ხრწნას დაიწყებდა, ეს კუბო ისე დაეკავშირებიათ, რომ იქიდან სუნი არ გამოსულიყო. ყოვლად სამღვდლო გარდაიცვალა 25 თებერვალს, ნაშუალამევის 1 საათზე. იმ დროდან მოკიდებული კუბო თავ-ახდელი იდგა ტაძარში. ეკლესია, თითქმის, ყოველ დღე ისე სავსე იყო ხოლმე ხალხით, რომ შიგ შესვლა უჭირდა კაცს. გაიარა კვირებმა, თვემ და თვენახევარმა, მაგრამ განსვენებულის გვამს არავითარი ნიშანი ხრწნისა არ ეტყობა. მრავალნი პირნი ცდილობდნენ ყნოსვით შეეტყუათ მკირე რამ ნიშანი ხრწნილებისა, მაგრამ არა თუ უბრალო კაცები, თვით გამოჩენილნი ექიმებიც გაოცებულნი არიან, რომ თვე ნახევრის განმავლობაში განსვენებულის გვამს არავითარი ნიშანი ხრწნილებისა არ ემჩნევა რა. ეს გარემოება მეტის მეტად მოქმედებს ყველაზე. ის ვაჟ-ბატონებიც კი განცვიფრებულნი არიან ამ მოვლენით, რომელიც უხრწნელობას ეჭვის თვლით უყურებენ. აქ სახეში უნდა ვიქონიოთ, თუ რა ჰაერი იქნებოდა ტაძარში, რომელიც ყოველ დღე დილიდან საღამომდე სავსე იყო ხოლმე ხალხით. ამ მოვლენის შესახებ, თუ ვიცოცხლეთ, კიდევ მოველაპარაკებით ჩვენს მკითხველებს.

გათენდა ათი მარტი, დილის შვიდი საათია, მთელი ღამე წვიმს, ქუჩებში უზომო ტალახია, ცა მოღრუბლულია. ყოველს ოჯახში და ქუჩებში რალაცა მოძრაობაა. ქალი, კაცი და ბავშვები მიესწრაფებიან ქუთაისის საკრებულო ტაძრისაკენ. მთელი მოედანი ამ ტაძრისა და ამ ტაძრიდან მოკიდებული თბილისის ქუჩა თვით რკინის გზის სადგურამდე გაჭედულია ხალხით. ხალხის მოძრაობა სწორეთ მდინარეების ზღვებთან შეერთებას მოგაგონებს. მერვე



სათის ნახევარია. ქუთაისის ყველა ეკლესიების ზარების სამგლოვიარო ხმა ატყობინებს საზოგადოებას, რომ მოახლოვდა დრო მათ საყვარელ მწყემს-მთავართან საუკუნოთ გამოთხოვებისა. დღემდის მისი სამწყსო მათი მეუფების გვამის ხილვით მაინც ნუგეშობდა. დღეის იქით ამ გვამსაც ვეღარ იხილავს. ზარების სამწყურარო ხმა ჟრუანტელს ჰგვრის ყოველ კაცს წოდებისა და სარწმუნოების განურჩევლათ და ცრემლებს იწვევს თვალთაგან. შემოსილი სამღვდელოება წყობით გაემწყრივა იმ ქუჩაზე, რომელზედაც უნდა გაეელო პროცესიას. საზოგადოების ყველა წარმომადგენლებმა თავთავისი ადგილი დაიკავეს. რკინის გზის სადგურიდან მოკიდებული ფრანციის სასტუმრომდე ქუჩის ორივე მხრით ჩამწკრივებულნი არიან ქუთაისის ყველა სასწავლებლების მოსწავლენი მათი მასწავლებლებით და ადგილობრითი სამხედრო ჯარი. დილის ცხრა საათის ნახევარია. ტაძრიდან გამობრძანდენ შემოსილი მღვდელთ-მთავრები, რომელთაც წინ მოუძღვის შემოსილი სამღვდელოება. მათ შემდეგ განსვენებულს მოასვენებენ არქიმანდრიტები: ქუთაისის სასულიერო სემინარიის რექტორი არქიმანდრიტი დიმიტრი, ხოპის მონასტრისა—სიმონ, ნახარებოვისა—ამბროსი, შემოქმედისა—იონა, ჰელიშისა—ნიკიფორე; დეკანოზები გ. ცაგარეიშვილი და დ. ლამ-ძე. ამ დროს დამსწრე საზოგადოების სულის მდგომარეობის კალმით აღწერა ყ-დ შეუძლებელია. არ გვჯერა, რომ ოდესმე ამნაირი გლოვით და მწყურხარებით ქუთაისში საზოგადოება ვინმე გარდაცვალებულს გამოთხოვებოდეს, ან ამ ნაირი დიდებით. ქუჩებში ყველგან მშვენიერი წესიერებაა. პროცესია გაემგზმვრა რკინის გზის სადგურისკენ. განსვენებულის კუბოს რიგ-რიგათ მიასვენებენ მღვდლები და დეკანოზები. კუბო მხრით მიაქვთ. სადგურზე მოვიდა პროცესია ათ საათზე. აქ დამზადებულია საგანგებო მატარებელი. ერთ გაშლილ ვაგონზე საუცხოოთ მოწყობილია ბალდახინი. ამ ვაგონზე დაასვენეს მიცვალებულის კუბო და გარშემო შემოკედნენ შემოსილი სამღვდელოება. ამ ბალდახინს გვერდით აქვს ეკლესია—ვაგონი.

სურს გაყვეს მატარებელს, მაგრამ განა ეს შეიძლება! ამ მატარებლით შეიძლებოდა 250 კაცს გადაყვანა ერთი ვაგონი სადგეა მიცვალებულის ნათესავებით, დანარჩენებში არ ტეფია მარტო სამღვდელოება და საზოგადოების წარმომადგენენი. ხალხი დაამშვიდეს, რომ ამ დღეს გელოთამდე კიდევ ოთხჯერ წავა-წამოვა მატარებელიო. მრავალი ხალხი მიდის ფეხით და ეტლებით. დაიძრა მატარებელი, მაგრამ ნახევარ ვერსის მანძილზე მოშორებით შეჩერდა, რადგან ლოკომოტივმა ვერ დასძრა ვაგონები აღმართზე. უკანიდან მოაშველეს მეორე ლოკომოტივი. თერთმეტი საათი შესრულდა, როცა მატარებელი გელოთის რკინის გზის სადგურთან მივიდა. მღვდელთ-მთავრები და მწირველი სამღვდელოება ეტლებით გაემგზავრენ სადგურიდგან გელოთში, სადაც მისვლისათნავე წირვას შეუდგენ. მწირველი ბრძანდებოდა მათი მალალ ყოვლად უსამღვდელოესობა საქარ. ექსარხოსი ვლადიმირი, ალავერდის ეპისკოპოსი ბესარიონი, არქიმანდრიტები: სერაფიონი, დიმიტრი, სიმონ, ბესარიონი, ამბროსი, ნიკიფორე, დეკანოზები მ. ცაგარეიშვილი, რაჟ. გიგაუროვი, დ. ლამბაშიძე, მღვ.-მონაზ. სიმონ. წირვაზე გალობდა არქიერის მგალობელთა გუნდი და მეორეს მხრით ჩვენი გამოჩენილი მგალობლები ბ.ბ. დუმბაძე, ჭალაგანიძე და ხუნდაძე. წირვის დაწყების შემდეგ დიდხანს არ გაუვლია, რომ პროცესიამ მოატანა მონასტერში და კუბო შემოასვენეს და დაასვენეს ტაძარში, ამბიონის პირდაპირ. ვეებერთელა ტაძარი ღ კედლის გაღვრეებიც გაიჭედა ხალხით.

განიცადენის დროს სიტყვის თქმის ნება მიიღობლალ. მღვდელმა მამა ერერმალოზ კანდელაკმა, რომელმაც ვრცელი სიტყვა წარმოსთქვა განსვენებული მღვდელ-მთავრის შესახებ. წირვის გათავების შემდეგ შესრულეს პანაშვიდი. პანაშვიდის გამთავეს ფრიად შესანიშნავი და გრძნობით სავსე სიტყვა წარმოსთქვა მათმა ყოვლად უსამღვდელოესობამ საქართ. ექსარხოსმა ვლადიმირმა. საზოგადოთ მათი მალალ ყოვლად უსამღვდელოესობისაგან წარმოთქმული სიტყვანი და მოძღვრებანი შესანიშნავნი არიან მქვერ-მეტყველობის მხრით. მათმა მეუფებამ პირველად მოიყვანა პატრიარქის იაკობის სიტყვანი: „და მიუწოდა იაკობ ძეთა თვისთა და რქვა მათ შემოკრბით, რათა მოგიოხრა თქვენ, რაჟ შეგემთხვევის თქვენ უკანასკნელსა დღეთასა. შემოკრბით, ღ

ეხლა კი ცოტათი აირ-დაირია წესი. ყველაზე

ისმინეთ ძეთა იაკობისათა, ისმინეთ ისრაილ, მამისა თქვენისა“. შემდეგ მათმა მეუფებამ ხელოვნურად დაასურათა 45 წლის სამსახური და მოღვაწეობა განსვენებული მღვდელ-მთავრის გაბრიელისა. მოიხსენა პატრიარქის იაკობის ცხოვრების უკანასკნელი დღენი და წარმოსთქვა: „დასცხრა იაკობ მამცნებელი ძეთა მისთა და ამხმელი ფერხთა ცხედარსა ზედა მოკვდა. სტიროდენ და გლოვდენ მას ძენი მისნი და ისრაილ“. მათმა მეუფებამ განსვენებული მღვდელ-მთავარი შეადარა პატრიარქს იაკობს, რომლის გარდაცვალებას გლოვდენ და სტიროდენ ძენი მისნი და მთელი ისრაილი. ამ გლოვას და ტირილს შეადარა იმერეთის ეპარქიის სამწყსოის და მთელი საქართველოს საზოგადო ტირილი და გლოვა განსვენებული მღვდელ-მთავრის გაბრიელის შესახებ. როცა ასე დაასურათა მთელი საქართველოს გლოვა და მწუხარება, შემდეგ მათი მეუფება მიიქცა სამღვდლოებისა და საზოგადოებისადმი და რქვა: გრძობ თუ არა იმერეთის სამწყსო, თუ როგორი მღვდელ-მთავარი დაჰკარგე შენ დღეს? ამ სიტყვების პასუხი იყო ირგვლივ შემოხვეული სამღვდლოების და საზოგადოების თვალთავან ღელესაგით წარმოდენილი ცრემლები. *) ამ სიტყვამ მეტის მეტი კარგი შთაბეჭდილება იქონია ხალხზე. სიტყვის გათავების შემდეგ მათი მეუფება მივიდა კუბოსთან და მუხლომოდრეკით თაყვანი სცა განსვენებულის გვამსა და ეამბორა. შემდეგ სიტყვა წარმოსთქვა ეპისკ. ბესარიონმა. პანაშვიდი და ყველა წესი გათავდა ნაშუადღევს 4 საათზე. მათი მეუფება წარჩინებული სამღვდლოებითურთ გამობრძანდა ტაძრიდან და შებრძანდა განსვენებული ყოვლად სამღვდლოს ახლად აღშენებულ სახლში, სადაც დამხადებული იყო ჩაი და საუზმე. მათი მეუფების ტაძრიდან გამობრძანების შემდეგ სიტყვა წარმოსთქვეს ქუთ. მახრის თავად-ახნაურ. წინამძღოლმა თ. დ. ნიჟარაძემ, ნ. ტ. დადიანმა, ი. გრ. ჭავჭავაძემ, ვ. მაჩაბელმა, თ. ხუსკივაძემ, დუმბაძემ, დიაკონმა რაჟდენ ხუნდაძემ და სხ. მრავალთა. ამ სიტყვებიდან ზოგიერთ შესანიშნავს და საყურადღებოს შემდეგში დაუბეჭდავთ.

(გაგრძელება იქნება),

*) სამწუხაროთ უმეტესობას რუსული ენის უცოდინანობისა გამო არ ესმოდა მათი მეუფების სიტყვა, ამიტომაც მრავალმა პირებმა გეტონვეს ამ სიტყვის ქართულთა დაბეჭდვაროგორც გაზეთში, ისე წიგნაკად. დღეს ჩვენ ვერ ვასრულებთ ამ თხზვას, ვინაიდან მათმა მეუფებამ ზეპირათ წარმოთქვა ეს სიტყვა. იმედი გვაქვს, რომ შემდეგში დაიწერება ეს სიტყვა და დაიბეჭდება და მაშინ ჩვენც ვისარგებლებთ.

ყოვლად სამღვდლო გაბრიელის გარდაცვალების გამო.

წარმოსთქვა
მთავრობისა

ჩვენ ბევრი სამძიმრის წერილები და ტელეგრამები მოგვდის სხვა-და-სხვა კუთხებიდან. სხვათა შორის ჩვენ წერილი მივიღეთ უკანათლებულეს კნენა ნიდიტორასაგან, რომელიც გვწერს: „როდესაც დიდათ სამწუხარო ამბავი — ჩვენი მღვდელ-მთავრის გარდაცვალება, შევიტყუეთ, ჩემმა პატარა დავითმა ყოვლად სამღვდლოს ნათლულმა, როდესაც მას უჩვენეო სურათი ყოვლად სამღვდლოსი და უთხარით, გარდაიცვალა, იმ პატარა ბავშვსაც კი იმწუხარა. ყოვლად სამღვდლო ამ ბოლო დროს ძლიერ სუსტად იყო, მაგრამ მაინც ძლიერ სანუგეშო იყო იგი ჩვენთვის. არ ვიცი, როგორ ვცე პატივი ამ ჩვენთვის ყოვლად ძვარფას მღვდელ-მთავარს. გთხოვთ თქვენ მოახდინოთ განგარგულება, რომ მის საფლავის წინ ხატთან იყოს ანთებული ღამ-ჰადა მთელი წლის განმავლობაში დღე და დამე განუწყვეტლივ და ყოველ სამკვირის შესრულების დროს პანაშვილს გარდინდიდენ. ზეთისა და სანთლისთვის და სხვა საჭირო ფულს მოგართმევთ ამ წერილთანვე“.

სურვილი უკანათლებულესი კნენა ნიდიტორასი ასრულებულ იქნება სინამდვილით.

მიტროპოლიტი დავითი, მმართველი იმერეთის ეპარქიისა.

(გაგრძელება *).

1852 წელს, დეკემბრის თვეში მიტროპოლიტი წავიდა მარტვილის მონასტერში თავისი ნათლიის ჭყონდ დედის ნატონის დასასაფლავებლად. აქ მიტროპოლიტი გაცვივდა და განდაავად ცვივებით. როცა მიტროპოლიტი ქუთაისში დაბრუნდა, ნაცვლად იმისა რომ ამ სენისაგან თავი მოერჩინა, მან კიდევ უფრო გაძლიერა ეს ავადმყოფობა თავისი მოღვაწეობით და შრომით. ბოლოს ეს სწელება ისე გაძლიერდა, რომ მიტროპოლიტი ჩააწვინა ლოგინში. ბოლოს მოიწვიეს ექიმი; ამ დროს მიტროპოლიტი ძლიერ ცუდს მდგომარეობაში იყო, მაგრამ რადგან იგი ძლიერ ტანმრთელი კაცი იყო, ამიტომ დიდხანს გაუძლო ამ სენს. თუმცა მიტროპოლიტი ძლიერ ავად იყო, მაგრამ მის მოკეთეთ და ნათესავებს კიდევ იმედი ჰქონდათ

მათი მეუფების მოწინისა. მიტროპოლიტი კი კარგად გრძნობდა სიკვდილის მოახლოვებას და მუდამ მზად იყო მიტროპოლიტად სიკვდილს. მათმა მეუფებამ მოახდინა უოველივე განკარგულება, როგორც თავისი ქონების, ისე თავისი დასაფლავების შესახებ, დაინიშნა საჭირო ფული თავის დასამარნავად. ორი დღის წინათ სიკვდილამდე, მიტროპოლიტმა ბრძანა წავითხათ მისთვის სულ-ხორცის განტევების დოკვა. 14 თებერვალს, დღის 5 საათზე მიტროპოლიტმა საუკუნოდ განისვენა. უკანასკნელს წამამდე მიტროპოლიტს მესხერება და გონება არ დაკარგვა. თავის უკანასკნელს ანდერძში მათმა მეუფებამ დაიბარა გაესვენებიათ იგი როგორც ერთი უბრალო ბერი და მისი გვამი დაეკრძალათ არა ტაძარში, არამედ ჯრუჭის მონასტრის სასაფლაოზე, სადაც, მათ მეუფებას დიდის ხნადამ მომზადებული ჰქონდა სასაფლაოს ქვა.

ბევრმა სამღვდელოებამ მოიყარა თავი მიტროპოლიტის გასვენების დღეს, მიწვეული იყო მანდობელი ეპარქიების მღვდელ-მთავარნი. წირვა და წესის აგება შესრულდა კათედრის ტაძარში, გორაზე ბაგრატიის შესანიშნავი ტაძრის გვერდზედ მაშენებულ ეკლესიაში. შემდეგ გვამი მიტროპოლიტისა ქუთაისიდან წასვენეს ჯრუჭის მონასტერში. ცუდი ამინდი იყო, მაგრამ რადგან გზა-ტყევილი შორაპნიდან უღვევის გზით მიდიოდა, ამიტომ განსვენებულის გვამი ადვილი წასსვენებელი იყო. ერთი დღე იარგს და თითქმის ს. ბოსლევის სიანდლოვს დაადამდათ. ბევრი ფიქრის შემდეგ გადაწყვიტეს, რომ უოვლად სამღვდელოს გვამი მიესვენებიათ ს. საწაბლეში და დამდგარიყვნენ ვისმეს ოჯახში. გაუნვიეს გზას და საწაბლეში მიადგენ ერთ გლენს ზურაბ ჩუბინიძეს. ზურაბ ჩუბინიძე მთელს ამ სოფელში შესამჩნევი კაცი იყო. სახლი კარგი ჰქონდა და დიდის პატივისცემით მიუძღვა თავის სახლის კარებზე მიტროპოლიტის გვამს. გადმოასვენეს ეტილიდგან განსვენებულის გვამი და ოთახში უნდა შეესვენებიათ, მაგრამ კუბო კარებში არ შეეტია. არიქა ხერხი მოიტანეთ, დაიძანა ერთმა სამღვდელო პირმა, უნდა კარის ჩარჩოები გამოვხერხოთ, თორემ კუბო არ ეტე-

ვა კარებში. საჩქაროთ გამოხერხეს კარების ჩარჩოები და შეასვენეს კუბო. მეორე დღეს კუბო გამოასვენეს სახლიდამ და წასვენეს ჯრუჭისკენ. პირზე ჯვარს ისახედენ უველანი, ვისაც გაგონილი ჰქონდა მიტროპოლიტის სიზმარი, რომელიც სინამდვილით აღსრულდა. წინდაწინ იყო სწორეთ განზრახული, რომ მიტროპოლიტის გვამი უმის ზურაბ ჩუბინიძის სახლში უნდა დარჩენილიყო ერთი დამე და ამით ეგურთნებია ამ კაცის ოჯახი. დაახ, სარწმუნოების მხრით შესამჩნევი იყო ზურაბ ჩუბინიძე, მაგრამ უმეტესი შესამჩნევი მისი შვილი გედევანი. ეს კაცი შესამჩნევია ქველ-მოქმედებით არა თუ მართლმადონის მაზრამი არამედ მთელს ქუთაისის გუბერნიამი და შეგვიძლია ვსთქვათ, მთელს საქართველოშიაც. იქნება სთქვას ვინმემ, რომ აქვს დაამიტომ ჩადის ქველის საქმეებსო. მაგრამ ქველ-მოქმედება კაცისა სრულებით შეძლებაზე არ არის ლამოვიდებული. ადეთ თ. ნ. წყნეთელი, ორბელიანი, დიმ. გურიელი, დ. მელიქოვი და სხვანი მრავალნი. თავიანთი ქონება ოხრად დატოვეს და ერთი მანეთიც არ გაიმეტეს საქველ-მოქმედო საქმეზე.

უკაცრავად, სიტყვას გარდავსცდით. საწაბლეშიდამ განსვენებული მიტროპოლიტი წასსვენეს საჩხერეს და საჩხერიდამ ჯრუჭში. გზაში უველგან და განსაკუთრებით საჩხერეში და ჯრუჭში ხალხი დიდებულად ეგებებოდა მიცვალებულს. ზოგიერთებმა მოითხოვეს, რომ მიტროპოლიტის გვამი ტაძარში დაესაფლავებიათ.

როგორც განმანახლებელს ანუ, უკეთა ვსთქვათ, ჯრუჭის მონასტრის დამარნსებელს მიტროპოლიტს უველაზე მომეტებული უფლება ჰქონდა, რომ მისი გვამი დაესაფლავებიათ იმ ტაძარში, სადაც განისვენებდენ მისი მამა და ძმები, მაგრამ მიტროპოლიტმა უარჰყო ესეთი პატივისცემა, როგორც ქრისტიანული მორჩილების, ისე თავის სამშობლოს სიყვარულისა გამო. მათ მეუფებას ბევრი უსიამოვნება შეხვდა თავადებისაგან, რომელნიც დაჯინებით ოხროვდენ ხოლმე თავიანთ გარდაცვალებულთა დასაფლავებას ჯრუჭის მონასტრის ტაძარში, სადაც სრულებით ადარ მოიპოვებოდა თავისუფა-

ბრძოლები ილიანა იქნენ მიმდევარი ილია

ლი ადგილი ახალ გარდაცვალებულთა დასამარნავად. ამიტომაც მიტროპოლიტმა დავითმა სიკვდილის წინად დაიბარა, რომ მისი გვამი დაესაფლავებიათ არა ტაძარში, არამედ გარეთ. ამითი მიტროპოლიტს სურდა დაემტკიცებია ხალხისათვის, რომ ჩვენს ნრწნილს სხეელს უკელაზე უფრო შეშვენის მოჩიილება. განსვენებული მიტროპოლიტის მოხუცებულმა 80 წლის ძმამ, თავადმა სიმონმა, მისმა ძმისწულმა, მინგრელიის მფლობელმა თავაჯმა და სხვა ნათესავებმა სინამდვილით აღსრულეს განსვენებულის ანდერძი. მიტროპოლიტის გვამი დასაფლავეს მონასტრის ტაძრის მანდობლად. დასაფლავების დროს სრულებით არავინ მოუწვევიათ.

დ. დ. დამაშიძე

«მწმსი»-ს კორამსპონდენცია

ღეხუმიადამ.

წლებადღელმა ზამთარმა სწორედ დიდი უბედურება მიაცენა ხალხს ყველგან და განსაკუთრებით ლეჩხუმში. ჭყვიშის საზოგადოებაში ს. ჭყვიშისავე სოფლის თავში 20 იანვარს ღამით, მეცხრე საათი იქნებოდა, წამოვიდა თოვლის ზვავი, ეცა ეკლესიას და დაანგრია. ეს იყო დაბეჭინის ეკლესიის ზედმიწერილი ხის ეკლესია, საკმაოდ მორთული ჩალანგარა მოხატული თავის შესამოსლიანათ გასრისა ზვავმა; შეჩერებული ზვავის რამდენიმე ნახეთქი დაეტაკა გლენის ჯინჭარაძის სავსე ბედელს და ნალიას და წაიღო. შემდეგ სახლს ჩამოუქროლა, ნახევარი სახლი წაიღო; ადამიანები მკვდარ-ცოცხალი სახლის კუთხეში ნახეს. სიკვდილით არავინ მომკვდარა, მაგრამ სრულებით აღარაფერი გააჩნიათ. ზარალი 1000 მანეთამდე იქნება.

აღბანის საზოგადოებაში სოფ. საირმეს ოთხი მოსახლე გვართ აღავიძე და ხურციძეები წაიღო ზვავმა. ერთი მოსახლის კაცი და ქალი გადარჩნენ, სამი მოსახლე და შვიდი ადამიანი მთელი საცხოვრებლით წაიღო ზვავმა და დაღუპა სამი ქალი, ორი კაცი და ორი აკვანის ბავშვი. ამნაირი უბედურება

ლეჩხუმში ბევრი იქნება, მაგრამ ჯერეთ მისვლა-მოსვლა დიდი თოვლის გამო არ არის. სახლების დამტრევა, საქონლის დახოცვა სიცივის გამო, შიმშილი და წყურვილი უზომოა, მაგრამ ამას ვინ ჩივა. იმედია ხალხს შემწეობას აღმოუჩინეს მართებლობა.

მღვდელი ანტონ ქურციკიძე.

წმრილი რადამციის ეიმაართ

ბ. რედაქტორო! „მწყემსის“ მესამე ნომერში მოთავსებულია მოწოდებითი მეთაური სტატია. ერთ დღეს ეს სტატია ნაცისკრებს წაუკითხე ეკლესიაში მლოცველებს და განუმარტე, თუ რა მნიშვნელობა აქვს ასეთ შეწევნას თუმც ყველას საქმე აქვს გაჭირვებული ამ სასტიკი ზამთრისაგან, მაგრამ თავიანთი ღარიბი ჯიბიდან ექვსი მანეთი შეაგროვეს, რომელსაც ამასთანავე ვზავნით თქვენთან. ამასთანავე თქვენის გამოცემის საშუალებით უგულლითადეს მადლოჯას ვუცხადებ ყველა იმ პირთ, რომელთაც თავიანთი წვლილი არ დაიშურეს თავიანთ დაზარალებულ მოყვასთათვის და რითაც შეიძლებს, მითი შემწეობა აღმოუჩინეს დაზარალებულთ.

მღვდელი იოანე ციციშვილი.

ვასრულებთ პატივცემული მ. იოანე ციციშვილის სურვილს და ჩვენის მხრით გულითად მადლობას ვსწირავთ, როგორც შემწირველთა პირთა, ისე თვით იოანეს ასეთი დახმარების გულისათვის. რა გვიშავს, რომ ყველგან ასეთი თანამგრძობნი მოძღვარნი გვყავდეს. საქართველოში თითქმის ორი ათასი მოძღვარი არის; ყველამ რომ ასეთი თანამგრძობა გამოიჩინოს, მაშინ ამ მცირე შეწირულებათაგანაც დიდი ფული შედგება და ამით დიდი შემწეობა მიეცემა დაზარალებულთ.

რედაქტორი.

სოფ. ითხვისი.

10 თებერვალს 1896 წელსა.

ღრმა მწუხარებას ვგრძნობთ, როგორც მე კერძოთ, ისე საზოგადოთ რწმუნებულის ჩემდამო ეკლესიის მრევლი საქართველოს მნათობის, იმერეთის ეპისკოპოსის ბაბრიელის გარდაცვალებისა გამო. მწუხარება გაგვიორკვეცდა მით უმეტეს, რომ სასტიკი ზამთრისა გამო ჯეროვანი თაყვანი ვერ ვეციოთ მის გვამს და ვერ დავესწარით განსვენების დღეს.

გაბრიელ ეპისკოპოსი იყო საქართველოს მართლმადიდებელი ეკლესიის უმთავრესი შენობის დედა ბოძი, რომელზედაც იგი დამყარებულია.

ათ თებერვალს მთელმა მრევლმა, უმეტეს ათასი სულისა, თავი მოიყარა ეკლესიაში, ადგილობრითი კრებულმა სწირა. წირვის შემდეგ პანაშვიდი გადიხადა და შესაფერი სიტყვა—წარმოითქვა.

ბლალაჩინი მღვდელი იოსებ წერეთელი.

რწმენა,

(რუსულიდან)

როცა განგებამ მის ლეთიურ მადლით ინება ქვეყნად ჩვენი გაჩენა უკედვეი სულით, თავისუფალით, მაშინ ჩაგებრა მან წმიდა რწმენა.

როს შფოთიანი ქაბუკობის დროს გზას წარსაწყმელსა ვადკევართ ჩვენა, მაშინ სადგურსა მშვიდს, საიმედოს ჩვენ მიგვატურებს დიდი ის რწმენა!

როს მოემწიფლებით, როს მოვხუცლებით, როს სული ტანჯობს, აქვს გლოვა-წყენა, ვით საყვარელი ძმა მოფერებით, მარად გვამხნეებს იკიფე რწმენა!...

ის გვიმსუბუქებს ცხოვრებას მწარეს, შფოთსა და ზრუნვას, ჩვენ მით გვაქვს ღნენა... დიდს მთებს გარდასვამს სხვა-და-სხვა მხარეს, გმირთაც ის ჰქმნის—ეგ ვახლავს რწმენა!

როს ცხოვრებაში გვიჩნდება სენი, მკურნალთ ვერძალუდთ რომლის მორჩენა, როს დათელილი გვაქვს ჩვენ მწარე ღენი, ცვარია მაშინც ციური—რწმენა!...

როცა თავდება ჩვენი ცხოვრება, სამარადისოდ როს გვებმის ენა... ბედ ციე სამარის განცისკროვნება ადვილად უჩანს—გვეც ის რწმენა...

ნათელი არი იგი ცხოვრებას, გზის მჩვენებელი ვარსკვლავი ზენა... ნეტარება მას, ვის არ უქრების ეგ დიდებული ნათელი—რწმენა!

ლ. გაგუა.

შესანიშნავი აზრები და შენიშვნები.

მარხულობა სხეულისა საზრდოა სულისთვის. (იოანე ოქრ). რამდენსაც მოაკლებ სხეულს, იმდენ ძალას მიანიჭებ შენს სულს. (ბასილი დიდი.)

როცა ნავში ბევრი ბარგი არ არის, ის უფრო ადვილათ დაცურავს. აგრეთვე ადვილათ ლოცულობს კაცი, თუ მისი სხეული დამძიმებული არ არის ნამეტანი სმითა და ჭამით. როგორც წყალში ცეცხლის დანთება არ შეიძლება, ისე უმარხულოთ მონანება არ შეიძლება. (იანე ოქროპირი).

უძლოურთათვის მარხულობის შემცირება შეიძლება ეკლესიის კანონისამებრ დასწორეთ კანონიერია. ამისათვის რომ თუ კაცი უმარხოთაც უძლოურია, რაღა საჭიროა ეს უძლოურება მარხვით გავაძლიეროთ. როდესაც კაცის სხეული დაუძლოურებულია. მაშინ უნდა ვეცადოთ, რომ იგი საზრდოთი გავაღონიეროთ და მით შევაძლიეროთ სხეულს სულის სამსახური. (მიტრ. ფილარეტი).

სასელმძღვანელო, საყურადღებო, საჭირო და სასარგებლო ცნობათა განყოფილება.

დარიგებანი მცხოვრებთათვის სასელმძღვანელოდ მოსალოდნელ ავადმყოფობათა ასაცდენად.

წლებადედი დიდი ზამთარი იმდენად დაანოტიონებს ჰაერს, რომ თუ მცხოვრებლებმა არ მიიღო მრავალგვარი ზომები, უსათუოდ გამოიწვევს სხვა-და-სხვა ავადმყოფობებს, მაგალითად, ქარებს, ფილტვების ანთებას, ჭვადებს, ხურვებას, ცივებას და სხვა. საჭიროა ყოველის დონით ვეცადეთ სინოტივს შემცირებას, როგორც სახლებში, აგრეთვე ეზო-გარემოებებში. ამისთვის სახლებში ვენოტივე შევამციროთ მომეტებული ცეცხლის ნთებით, ეზოების და სახლების გარშემო თხრილების გაყვანით, მივსცეთ გზა დამდნარ თოვლს; წინააღმდეგ შემთხვევაში დადგება ტბები ეზო-გარემოში და ნოტიო ჰაერი განუწყვეტლად იქნება სახლებში; თბილ ამინდების გამოსვლის შემდეგ კი ეს ტბები დაღობება და უსათუოდ წახდენს ჰაერს, გამოიწვევს ცივცხელებს და სხვა მრავალ გვარგადადებ სენს. საზოგადოდ ძლიერ საჭიროა სიტუაქიზე და სისუფთავე ეზოებისა, სახლებისა, ავეჯეულობ-სა და ყოველი ჭურჭლებისა. რაც შეეხება პირად მოთრთნილებას მცხოვრებთათვის, საჭიროა მოერიდოს ვაცივებას, ამისთვის საჭიროა თბილი ტანსაცმელი, დამე დაწოლის დროს თბილად დახურვა, რადგან მძინარე უფრო ადვილად გაცვდება. ამას გარდა უნდა ერიდონ ფეხების და ტანისამოსის დასველებას, ცივ და ნოტიან მიწაზედ ჯდომას და წოდას. პირდაპირ ქარს, გახურებულ სადგურიდან უსათუოდ გამოსვლას, ძლიერ ცივი წყლის სმას, გადაჭარბებულს სმ-ჭამას. თუ ყოველივე ეს დარიგებანი შეასრულეს მცხოვრებლებმა, შეგვიძლიან ვსთქვათ რომ ისინი წლებულს თავიდან აიციენენ მრავალ ავადმყოფობას.

რედაქციის ჰასუსტი.

მლ. გ. აბულაძეს. თუ მრევლს ხატების ყიდვა არ შეეძლო, რაღათ თხოულობდენ ეკლესიის კლესიის აგებას. ჩვენ ყოველნაირი მხატვრობა გვაქვს, მაგრამ ყველას მოქთად ვერ დაუფრიგებთ. ქალღმერთს დახატული მხატვრობა არ შეიძლება იხმარონ კანკელზედ. ვინმე მელავითნეს. ამბობენ, რომ თქვენს ეკლესიაში ერთი მელავითნის აღგილზე ორი-სამია განწესებულიო. თუ ეს მართალია, რაღა საჭირო არის, რომ რედაქციები ასრულებდენ მელავითნის თანამდებობას ეკლესიაში. მონაზონ ქალს ტრაპეზში შესვლა აღკვეთილი აქვს.

მლ. ი. ბ.—ვას. მიიღებთ.

ბ. მლ. ს. ვა—ძეს. ახესადეს გამოუგზავნით. ილანე ბერს. მე ვგონებ, რომ ათონში თქვენი დაწერილი აღრესით არ მოგივიდეს გაზეთი. თუ პრეველი ნომერი მიიღეთ, მერე სხვა წიგნებსაც გამოგიგზავნით.

ტ. ინასარიძეს. ჰასუსტს წერილით მიიღებთ.

მლ.-მონაზონს გ. ნახეთ ჩვენგან გამოცემული წიგნი ნათესაობის შესახებ.

ოზიციალური განყოფილება: უმაღლესი მანიფესტი.

სალიტერატურო განყოფილება: როგორ ვსცეთ პატივი განსვენებულს ჩვენს ძვირფასს მწყემსთ-მთავარს გაბრიელს? —საყურადღებო ამბები.—წასვენება იმერეთის ეპისკოპოსის გაბრიელისა ქუთაისის საკათედრო სობოროდან გელათის მონასტერში და დასაფლავება.—ყოვლად სამღვდლო გაბრიელის გარდაცვალებისა გამო.—მიტროპოლიტი დავითი, მმართველი იმერეთის ეპარქიისა.—„მწყემსი“-ს კორესპონდენციები და წერილი რედაქციის მიმართ.—რუმენა (ლექსი).—შესანიშნავი აზრები და შენიშვნები.

საჭირო და სასარგებლო ცნობათა განყოფილება: დარიგებანი მცხოვრებთათვის სასელმძღვანელოდ მოსალოდნელ ავადმყოფობათა ასაცდენად.—რედაქციის ჰასუსტი.